

醫

案

醫案新都治驗三卷目錄

璣兄內傷飲食外感風邪一

程龍坵翁每行動即作熱發渴嘔惡腰與環跳穴  
常痛二

汪松崗原傷於酒夜分發熱咳嗽咯血三

族妹經不行者八十日每飲食入腹即疼痛吐出  
迺止四

孫華野喉痛頰車腫五

顯兄每辛苦及酒多則咯血數口六

吳遂兄濕熱發黃七

族侄明之痰火上逆大吐痰沫因而嘔血一涌數

梳有發明

族嫂程氏肺癰九

侄媳葉氏身面四肢浮腫十

族侄孫伍仲善飲好內小便血淋疼痛令眷吐

紅發熱十一

亮卿令愛右目紅腫十二

太學少竹眼紅腫脹十三

一 婦產後惡露不盡腹中作痛 十四

二 好吾令孫右耳後生毒腫痛 十五

三 岳令堂右手臂肢節脹痛 十六

四 西峰令眷血痢 十七

五 七護兄臍腹右邊疼痛小水不利嘔吐不進食

六 社貴兄醉後御色次早胃脘痛極 十九

七 松崗令眷左脇痛咳嗽內熱 二十

八 寶皇令堂產後左脇痛甚 二十一

九 少峰中風先兆 二十二

朱宅女春熱入血室 二十三

孫熙宇肢節腫痛痰多嘔惡病多夢鬼 二十四

愛泉傷風咳嗽聲啞右邊不能貼席 二十五

侄婦戴氏有姓五月忽血大下午後發熱 二十六

靈岳廼脊胃脘疼痛頭暈舌麻 二十七

吳人峰先生內人兩脇脹急痛拒胃脘 二十八

陳鉄兄內人產後腰痛發熱下痢膿血 二十九

石洲廼脊因產難子死憂悶小腹有塊作痛復

因多食圓眼腹益大脹堅如石大如斗氣促不

安

有發明  
三十

程姬年八旬、頭暈脚軟、大便溏洩、小水淋瀝、

程道吾先生令政夜覺而驚、時常暈厥、

三十二

一僕婦瘟疫以勞食復作、

三十三

程方塘年六十四、風癱不能步者三載、腿肉盡消、

汪省吾瘡三日一發、發於夜、

三十五

汪東之丈七月初旬、虛陽口瘡、

有發明

令眷姪

中咳嗽、

三十六  
三十七

吳東渠瘡後虛憊、

三十八

吳西源令眷以艱子多鬱多思肌肉盡削皮膚燥

揭遍身生瘡體如火燎

三十九

族嫂程氏環跳穴邊腫痛寒熱并發不能動止

十四

恒宇瘡後遭跌環跳脫出不能復收

四十一

侄孫女周歲發慢驚

四十二

程少湖以飲生酒而浮胸脹

四十三

吳斗一原有腸風又感風邪發熱多痰腹痛下痢

侄孫二水體甚肥胖患溫瘧症

四十五

吳興張錫泉先生左脇皮裏膜外疼痛

四十六

族侄雲岳患偏墜臍腹腰痛脣脹痛四十七

一婦妙齡感風寒致成鼻淵四十八

程兩峰瘀血發黃吐出穢惡如爛猪肺狀大便色

如墨有發明四十九

予表嫂小產後腹痛暈厥五十

陳士美傷寒熱症瀉底有發明五十一

程松逸兄酒疸五十二

仲諫患跨馬癰有發明五十三

一婦咳嗽痰中有紅五十四



周佃侄春溫鼻衄寒戰 五十五

汪氏婦腹脹如斗 五十六

仲登陽症侶陰 有發明五十七

汪希明性躁痰火咳嗽吐紅 五十八

祝弘吾潮熱咳嗽汗流不止 五十九

汪宥翁老年勞傷感冒胸膈大熱而痞 六十

汪鍊兄內人經水紫黑血塊不止 六十一

杜相如食政姪發寒熱 六十二

文台壯年咳嗽吐紅 六十三

邵伯成女經行而浴感風發寒熱嘔吐煩躁

金氏婦血崩後四肢浮腫

張雲門令郎囊癰

朱宅內眷懷妊受驚而成子懸

胡鄰泉女吐血潮熱

汪思石令堂怒後暈厥

侄孫君實遍身筋骨疼如虎噬

葉子黑內人疫後虛憊

孫如亭令政右眼眦突生白泡二寸餘嘔吐眩運

有發明

七十二

吳勉坐腹痛欲死有發明

十三

黃頤坐內子產未弥月醉犯房事血來如崩四十

程心童兄類腮紅腫十五

程六十喘後發腫七十六

程七護火發熱背痛伏梁積塊下痢紅白七十七

程孺人黃氏春溫過時熱病七十八

程有望孺人月汛常止不止七十九

坐舍近洲胸脇脹痛有發明

八十

源金先生內人吐血洩瀉發喘有大發明

孫合溪翁八旬而發寒熱咳嗽汗出不止飢飽連

聲八十二

孝廉方叔度令嫂汪氏脹滿八十三

其天威丈便癰八十四

貴者時疫漏底發熱譫語有發明

鍾澤程夢奎孺人哭子過傷因發寒熱有發明

歙潛口汪召南大令即盡脹有發明

岩鎮鄭景南大痰飲積塊躁動不止有發明

醫案三卷

明新安生生子孫一奎文垣甫輯

門人 余煌

徐景奇

子

泰來

全閔梓

朋來

新都治驗

瓊兄內傷飲食外感風邪洒淅惡寒發熱煩躁不寧已經表汗瀉吐之後小便短赤口渴腹中疼

夜不能睡耳聾氣塞神魂不安懊懷不已予脉  
之兩寸滑大左關絃右關滑兩尺皆絃皆七至  
據此廼少陽陽明兩經合病仲景云渴而小便  
不利者當利其小便先與柴苓湯加竹茹進之  
耳稍聰稍得睡熱仍不退聞食氣即嘔以濟生  
竹茹湯加人參麥冬黃連外與辰砂六一散三  
錢服後神稍清手足心仍熱用竹葉石膏湯而  
熱亦不退且懊懷殊甚合目即譫語按仲景謂  
傷寒汗吐下後懊懷不得眠者熱在心胸之間

宜輕湧之。以梔子豈豉湯主之。服後晚間仍不  
得眠。兩耳氣塞難當。改以小柴胡湯合白虎湯  
進之。即得睡。睡中汗出二次。耳頓通利。因進食  
早。又發熱口渴。舌上黃胎。此陽明餘熱復萌。乃  
用石膏七錢。甘草一錢。知母三錢。黃連一錢五  
分。百合竹茹各一錢。竹葉三十片。急進而熱全  
退。始得獲安。

程龍坵翁。每行動即作熱。發渴嘔惡。腰與環跳常  
痛。脉左沉細。右寸滑。關尺濡弱。此上焦有痰。必

下焦有濕熱。治當流濕舒筋。然後施補。先用以  
仁三錢。蒼朮。歲靈仙。牛膝。黃柏。烏藥。葉紫荊皮。  
各一錢。紅苓。桂皮。防己。各五分。水煎服。外以鹿  
茸。虎骨。晚蚕沙。仙茅。黃柏。龜板。蒼朮。牛膝。杜仲。  
蜜丸服之而安。二

注。松蘿。酒濕傷於酒。夜分有熱。咳嗽咯血。不思飲  
食。或肺氣不調。左寸脉芤。關澁。尺弱。右寸短。關  
滑。此胃中痰火正旺。氣血俱虛。宜先清胃保肺。  
然後大補。麥冬。知母。寒水石。寸許。黃芩。人參。牡



丹皮白芍藥當歸貝母桑白皮煎服一帖紅便  
未止加側柏葉茅根四帖而紅止過後四月又  
為怒氣所傷血又動左不能睡莖仁滑石紅苓  
當歸人參貝母山梔仁甘草香附青皮牡丹皮  
煎服而安予囑渠令子曰寄語令堂諸凡得意  
事可與尊翁知之如不得意者切不可使之聞  
也蓋肝為藏血之腑況血去多肝火剝燥心主  
不足內經云主不明則十二官危不可不謹防  
之且左不得睡肝脹可知予甚為尊翁慮後三

年果為怒復乃命使迎予。予固辭謝曰：向曾訂  
囑。今病之來，非不佞所堪任也。不逾旬而歿。二  
族妹經不行者八十日。每飲食入腹，即疼痛必盡  
吐出乃止。居亦吐酸水，上焦熱下焦寒。大便  
半月始一行。良飲不進者四十日。六脉皆數。左  
滑右軟弱。妹能事者，以其夫多病且不諳世故。  
由是怏怏病從思慮而得。恐成膈症。今大便燥  
結吐酸，乃膈之徵。急宜拂慮。庶藥有功。先與丁  
靈丸一粒而吐止。繼用溫膽湯加大腹皮、姜連。

痛吐全安改以二陳湯加香附條芩山梔仁丹  
參砂仁調理兩月經行大便始潤而膈症斯不  
作矣四

孫華野脉沉結而數喉痛頰車腫兩太陽作脹疼  
遍身皆脹痛增寒發熱乃痰火上壅而變風熱  
一將欲作毒也宜急治之薄荷甘草升麻白芷石  
膏枳壳天竺粉桔梗大力子連翹玄參一帖而  
愈五

顯兄每辛苦及酒多則咯血數口脉兩寸皆短弱

關尺洪數。耳中有痰火而下焦有陰火。由壯  
年酒色所傷。以耳以丹參滑石各三錢。白芍藥  
二錢。麥冬貝母。薤仁紫苑牡丹皮各一錢。當歸  
七分。甘草五分。煎服而安。六

歙邑吳遂兄。木商也。在吳興年七十。因冒雨勞力  
汗出。又以冷水澡浴。因而發熱。口渴。心與背互  
相脹疼。小便長而赤。舌上黃。晝夜不得卧。眼目  
如金。皮膚盡黃。吳興之弟。見之遠走。不敢醫。劑  
謂其年高。不宜。此藥。請回。家乃敢。請予治。診

得左脉浮數右濡弱两手皆有七至予曰此是  
熱發黃症也病雖重年雖高有是症云有是藥  
毋用倉惶乃以紫胡三錢酒芩葛根各三錢行  
天荅粉各一錢人參七分粉草五分連進二帖  
晚得微汗即能睡次早熱退其米舌胎稍淡潤  
不焦燥矣胸膈餘熱作煩身黃如舊以竹茹青  
蒿葛根各一錢人參麥門冬天荅粉知母各八  
分白芍藥六分二帖熱退食進精神陡長後與  
補中益氣湯加青蒿麥門冬天荅粉十帖而眼

目肌膚之黃盡釋然矣吳興諸公悉服其精當  
各錄方而傳七

疾姪文學明之以作文過勞痰火上逆大吐痰沫  
因而嘔血一涌欬痰昏暈汗出奄奄而卧畧不  
敢動稍動即嘔吐而血隨出色鮮紅飲食湯水  
皆不敢入入即吐而眩暈血即隨之里有婺君  
程聞野氏為之診駭而走曰血如涌泉體熱脉  
大眩暈而藥食難進此無佳兆乃速予治予診  
視畢語其乃兄曰此血也

此勉之以程言告子子曰。有症要圓活。勿拘泥。  
據經云。心主血。肝藏血。又曰。怒則氣上。又曰。脉  
虛身熱。得之傷暑。今左脉絃大。右脉虛大。明之  
不獨作文勞心動火。且亦被怒傷肝。抑又為暑  
所逼。以致木火上升。眩暈作吐。經曰。諸風掉眩。  
皆屬肝木。諸嘔吐逆。皆屬於火。又諸動屬火。內  
為木火上衝。外為暑氣所迫。故吐而汗多。血隨  
吐出也。醫貴識病。有是病則有是藥。子持以白  
丸子三錢。解其暑氣。清其痰飲。抑其衝逆。則吐

可止吐止氣平則血自能歸經服後果咯然而  
睡醒則吐止食進眩暈尋已繼用滑石香薷各  
三錢甘草五分黃連白扁豆各一錢五分竹茹  
一錢四帖全安

從嫂程氏年近五十患咳嗽吐臭膿血一日夜一  
梳餘發熱晝輕夜重肌肉大瘦六脉浮而洪滑  
且數人皆謂吐血身熱脉大法在不治之症也  
此吐血比也此係陽虛傷肺又為熱氣鬱結  
濁痰滯於肺之氣逆無從而出久之化而為



成肺癰也。治宜開肺竅。活血化痰。使膿盡。當  
自愈也。諸人治之。二年不效。予教以白芨。薏以  
仁各三錢。牡丹皮。桔梗。茜根。歸尾。山梔子。貝母。  
白芍藥各一錢。甘草。薄荷子各五分。三十帖全  
愈。後壽七十三。以它病而終。此疾再不復發。九  
族姪媳葉氏年三十。身面四肢浮腫。漸而入腹。腹  
大不可言。眼泡腫而無縫。飲食大減。小便不利。  
此氣滯水脹也。以大腹皮。茯苓皮。姜黃。蒼朮。厚  
朴。澤瀉。木香。烏藥。陳皮。服四劑。而眼目能開。飲

食稍進。即為食傷而復腫。予改用七傷丸調理。  
全安。

族侄孫伍仲。立年善飲。好內。小便淋疼。痛。予以  
滑石甘草梢。海金沙。琥珀。山梔。青蒿。茅草根。  
煎膏為丸。梧桐子大。每空心及食前。燈心湯送  
下三錢。不終劑而愈。後五年。因子遲。服補下元  
藥過多。血淋又發。小便中痛極。立而不能解。必  
蹲下如婦女小解樣。始能解出。背大血塊。每行  
一二碗餘。如是者半月。諸藥不效。予用七傷丸。不

遍嘗不應脉俱洪數予以五靈脂蒲黃甘草梢  
各二錢小蘗龍牙草各三錢水煎空心服二帖  
而痛減半血仍舊改用薏麥山梔子甘草各二  
錢茅根杜牛膝蓮葉車前草各三錢生地黃紫  
胡黃栢木通各一錢四帖痛全減血全止惟小  
便了而不了六脉亦和緩不似前矣後以人參  
葛根青蒿白朮茯苓甘草白芍藥片麻黃栢知  
母調理萬全十一

令春辰州太守石峰公女也吐紅發熱經水二十

日一行。或一月行二次。白帶且多。胸膈飽脹。膝  
洪數。以丹參生地山梔子白芍藥小薊鹿角膠  
水煎。臨服加入童便一酒盃。二十劑而瘳。十二  
亮卿令愛。右目紅腫。如腹中飽。眼乃能開。飢則眼  
不能開。此疳積虛寒症也。以夏枯草二錢甘草  
穀精草各一錢香附一錢伍分煎服四帖而安。  
十三

侄孫少竹。大學生也。眼紅腫脹。余雲谷以苦寒治  
時疾之劑與之。眼愈腫。且增兩太陽痛。前藥中

加石膏不惟眼腫不消頭痛不止且令  
脹悶寢食俱廢予為脉之絃大而無力乃用蔓  
荊子桑白皮柴胡香附夏枯草甘草茶一帖  
而痛定兩帖腫消四帖全瘳十四

僕娘產後惡露不盡腹中作痛且冒風咳嗽嘔  
吐頭暈脚麻木不知痛痒亦不能轉側與糖糍  
子紫蘓旋覆花烏藥五靈脂茯苓川芎當歸澤  
蘭葉玄胡索加砂糖煎服而痛止再進惡露行  
咳嗽嘔吐皆愈十五

上舍程好吾公令孫右耳後生一毒腫痛遍身生  
大泡瘡增寒發熱與金銀苓當歸尾甘草赤芍  
連翹姜蚕大力子玄參兩劑而消十六

華岳令堂年五十餘向來小水短少今則右背盪  
匙骨邊一點痛夜尤痛已經半月醫治不効展  
轉加劇即於右邊手臂肢節皆脹痛筋皆暴起  
肌肉上生紅點子脉兩手皆滑數右尺軟弱乃  
濕熱傷筋而成痛痺以東垣舒經湯為主羌活  
川芎薤仁麻黃紅苓當歸防風甘草獨活猪苓

黃栢防已知母黃連兩帖痛減腫消再亦不發  
十七

由溪程兩峰丈內人患血痢裏急後重嘔吐不納  
穀兩寸脉洪大以竹茹溫膽湯加姜連滑石橘  
紅酒苓水煎服二帖大便結實膿血皆止惟後  
重與枳壳當歸芍藥生地桃仁條苓甘草滑石  
酒連四帖全安十八

由溪程七護兄臍腹右邊疼痛小水短少大便四  
日未行嘔吐不能進食舌上白胎面青手冷勢

甚危急。脉之左沉伏。右滑大有力。予曰。此痰格中。焦氣閉下焦。故大小便秘而不利。氣逆嘔吐也。不急治。即無救矣。與枳櫚東行根皮二錢滑石三錢。菴仁青皮枳實枳。即各一錢水煎服之。夜半吐出膠痰碗餘。大便未行。痛亦不減。次日改用玄胡索五錢水煎。膽服調下。玄明粉三錢辰刻服下。午刻痛減大半。未刻大便始行。右脉平。而左脉起矣。覺體倦無力。以生脉散加甘草山梔仁黃柏芍藥以仁陳皮調理如故。十九



白溪程社貴兄先醉酒後御色。次早四肢冷胃脘  
痛極。脉僅四至。先醫以鬱火為治。投以寒涼。痛  
更增極。三日前所食西瓜仍吐出不化。乃翁以  
為陰症傷寒。欲用附子理中湯。不決。遂予治之。  
予觀其面色青慘。叫痛而聲不揚。坐卧煩亂。予  
曰。此霍亂兼魘厥症也。先當止痛安魘。後理霍  
亂。可免死也。遲則誤事矣。急用五靈脂醋炒三  
錢。蒼朮一錢五分。烏梅三枚。川椒炮姜桂心各  
五分。水煎飲下。痛減大半。下午以大腹皮藿香

半夏陳皮山查五靈脂茯苓兩帖全安二十  
汪松崗令脊左脇疼咳嗽內熱每咳則脇下弔痛  
寢食大減與青皮香附甘草芍藥訶子山梔子  
貝母茯苓柴胡薤仁滑石人參水煎飲之熱除  
痛減

文學贊皇令堂產後左脇痛甚咳嗽痰不易出內  
熱氣壅不能伏枕予以瓜蒌仁六錢桑白皮紫  
蘇子杏仁半夏桔梗枳殼各一錢水煎服之而  
氣壅定嗽漸減除外與保和丸及七製化痰丸

通變二十二

許水峰。胃中有痰。肝胆經有鬱火。心血不足。面色  
黑而枯燥。肢節疼痛。健忘。精神恍惚。內熱。將有  
中風之兆。左寸細數。關絃數。右關重。按滑。寸尺  
弱。治宜清肝胆之鬱火。而養心神。清胃中之痰。  
涎。而生氣血。使神帥氣。氣帥血。氣血周流。經絡  
無壅。則諸疾不期愈而自愈矣。何中風之有哉。  
用石菖蒲黃連白茯苓半夏酸棗仁天麻橘紅  
各一兩。牛胆南星二兩。白姜蚕青黛木香各五

錢柴胡七錢五分竹瀝生姜汁打神麴糊為丸  
葦苈大每食後及夜茶湯任下二錢一日二三  
次服完神氣大健肢節皆舒面色開而手足輕  
健種又皆瘳少峰曰吾生平服藥少効不期此  
方之神若是不惟自服有功即諸親友有痰火  
者服之莫不響應二十三

朱宅女春經水行一月不止每黃昏先寒後熱遍  
身疼痛胸前脹悶不通欲飲大減呌嚙用手於  
喉中斡而吐出痰涎乃愈今止渴甚此痰飲症

疾。今飲食不進。夜如見鬼者。乃熱入血室也。用  
小柴胡湯。加生地黃。丹皮。陳皮。薤仁。兩帖後。以  
白朮三錢。何首烏二錢。陳皮。麥芽各一錢。烏梅  
一枚。生姜三片。水煎服之。而寒熱止。諸症皆安。  
二十四

孫熙宇。肢節腫痛。痰多嘔惡。胸中氣不暢達。語言  
亦不清利。夜夢皆亡人野鬼追陪。情神慘惡。驚  
恐不安。且汗多不止。飲食減三之二。遠近名家  
醫治逾月不應。敦予為治。診其脉。左手甚弱。汗

多故也。右手滑大痰飲濕熱而然。法當補飲。前  
醫皆作風治。而用疎散。洩其元神。將成柔痙。予  
以人參、麥門冬、五味子、白芍藥、當歸、以仁、陳皮、  
石斛、木瓜、甘草、白木、桂枝。服此汗大歛。而神思  
稍清。心亦止矣。惟飲食不思。夜夢與亡人同遊。  
為惡耳。改用人參、黃耆、枸杞子、以仁、白朮各一  
錢五分。當歸、遠志、茯苓、木瓜、陳皮各一錢。甘草  
五分。水二鍾。入雄猪心血一枚。煎作八分。飲之。  
四帖乃能睡。始知此病。亡人不復夢亡人矣。二十五

泉上年十月因傷風咳嗽即時發喘繼而父喪  
過憂右邊不能貼席而睡醫以滋陰降火之劑  
治之半年肌肉大削大便秘澀飲食減少咳嗽  
殷啞有加喉且疼痛迎予為治診得六脉俱絃  
數此憂傷肺思傷脾症也危急甚矣以白朮茯  
苓陳皮粉草以仁桔梗柴胡桑白皮酒炒白芍  
藥澤瀉麥芽以登煎服一日再以荊芥桔梗玄  
參甘草茯苓白芍酒連扁豆山藥山查木通服  
此而右邊可睡矣改用參苓白朮散加白芍藥

烏梅訶子酒連山查調理而愈二十六

任婦戴氏有孕已五月矣。忽血大。下午後發熱。六  
脈俱數。左寸滑大。右關搏指。左關軟弱。予以白  
芍藥二錢。生地阿膠人參蒲黃各一錢。紫胡香  
附地榆荆芥穗各七分。甘草五分。煎服。午後發  
寒熱。每夜凡三次。頭痛惡心。腹中塊硬。所下血  
塊甚多。心下怯力。此虛無疑也。以補中益氣湯  
加阿膠炮姜白芍藥黃連煎服。下午右眼白珠  
發一白泡。光腫下。至五時。泡漸平。火熄。行。



創之症其夜大發寒熱指爪皆黑唇白汗大出  
腹中作痛牽引兩乳皆痛仍以補中益氣湯加  
阿膠白芍藥桂枝五味子麥冬服後熱退汗止  
渴除神氣稍定乃有生意次日咳嗽而胎墮即  
以獨參湯繼服其夜腸鳴瀉二次以人參白朮  
各三錢炙甘草一錢五分炮姜一錢桂心茯苓  
各五分陳皮七分蓮子大棗煎服後因咳嗽以  
四君子加炮姜五味子紫苑調理而愈二十七

靈岳乃眷胃脘疼痛手心熱頭暈舌麻兩太陽痛



碗和之。名曰陰陽湯。用此調玄明粉一錢五分服之。不惟不吐。痛減半矣。少頃大便秘行二次。因食豆腐及粥太早。而痛復萌。唇臉皆紅。此必有虫。故如是也。與白芍藥桂枝粉草烏梅荖椒五靈脂杏仁。水煎。痛廼定其大半。再與蒼朮厚朴山查枳實茯苓玄胡索香附一帖全止。但心背皮膚外疼。不能着蓆而睡。以川芎當歸白朮厚朴大腹皮粉草茯苓香附陳皮半夏調養全愈。

二十九

陳鉄兄內人產後腹痛發熱下痢膿血裏急後重  
川芎二錢當歸三錢茯苓乾姜肉桂山查陳皮  
酒炒白芍藥白朮各一錢粉草五分一帖而腹  
痛止痢輕後重亦除惟發寒熱多汗改用人參  
白芍藥桂枝粉草川芎當歸白朮茯苓香附陳  
皮山查再劑而諸症如釋三十

程石洲乃眷因產難子死憂悶小腹有塊作痛下  
午發熱不思飲食次早診之脉右大於左者三  
倍且數與芎歸湯加糖愁子澤蘭葉一帖次日

下午腹脹痛詰之。晌午食面一盞。從此  
小腹漸脹。大便三日未行。早晨與夜間極熱。  
口渴。脉大無緒。勢甚危急。用川芎當歸紅荊桃  
仁青皮枳。即義木山查水煎。調玄明粉二錢服。  
後大便稍行。結糞二枚。安而就寢。醒後進粥稍  
多。又復脹痛。腹大如斗。堅如石。氣促不安。勢危  
至此。亦已極矣。迺與五靈脂糖麩子各四錢。凌  
霄朮二錢。赤芍藥一錢。服後大便通。腹軟。氣定。  
始可進粥。漸有生氣。但脉仍鼓指。此腹中積滯。

尚多不可不因其時而驅去也。用糖毬子、大黃各三錢、薤仁二錢、桂心、紅苓各五分、炙甘草七分。水煎。臨服調玄明粉一錢五分。其夜下黑糞四次。熱始退。上腹雖消。臍下仍大。仍以桃仁承氣加山查、滑石、紅苓煎飲之。五更大便行。臍腹脹又漸減。後與積塊丸調理全消。是役也。女流只知女科專門為仗。故前發熱腹痛之時。彼專門不察虛實。即以常套十全大補湯投之。詎知目眼肉初入腹之時。不覺少頃。漸又脹開。故腹

亦因之而脹也。且其味甘，尤能作滯，復加地黃、  
參、朮，寧不塞其塞哉？由是而成大滿大堅之症。  
內經謂中滿者，瀉之於內，良以此。夫彼亦泥乎  
丹溪產後須當大補氣血之誤也。三十一

程宅一老嫗年八十餘，常頭運腳軟，撐載上身不  
起，行須人扶。否則眩暈，跌仆，大便溏洩，小便淋  
瀝。此下元虛憊所致。以人參、黃芪、白朮、薏仁  
各二錢，山茱萸、杜仲、茯苓各一錢，陳皮、山藥粉  
草各八分，八帖而愈。三十二

文學程道吾先生令眷。夜為惡夢所驚。時常暈厥。精神恍惚。一日三五發咳嗽。面色青。不思穀食。日惟啖牛肉脯數塊而已。時師屢治無功。吳渤海視為寒痰作厥。投以附子肉桂而厥尤加。逆予為治。胗左脉絃。右脉滑。兩寸稍短。道吾先令眷二皆卒於瘵。知其為傳屍瘵症也。不易治之。迺權以壯神補養之劑。消息調理。俟飲食進。胃氣轉。始可用正治之法。姑用人參茯苓柏子仁石菖蒲遠志丹參等藥。以補養神氣。以陳



皮貝母甘草紫苑化痰治嗽服半月而無進退  
迺為製太上渾元丹藥用紫河車一具辰砂  
甲犀角各一兩鹿角膠紫石英石斛各八錢沉  
香乳香安息香茯苓紫苑牛膝人參各五錢射  
香五分煉蜜為丸赤豆大每早晚鹽湯或酒送  
下三十六丸又製靈應出獵丹藥用牛黃狗寶  
阿魏安息各一錢虎頭骨五錢啄木鳥一隻獼  
猴一枚敗鼓心破皮三錢射香五分天靈蓋一  
箇煉蜜為丸雄黃三錢為末每五更空心葱白

湯送下五分。三五日服一次。與太上渾元丹相  
魚服。連服半月。精神頓異。不似前時恍惚矣。但  
小腹左邊一點疼。前煎藥中加白芍藥一錢。服  
之一月。精神大好。暈厥再不發矣。次年生一女。  
其宅療疾。從此再亦不傳。三十三

一僕婦年三十。患瘟疫。一月餘矣。非勞復。即食復。  
今則發熱咳嗽。胸脇疼。耳聾口渴。大便七八日  
不行。不知人事。適與前煎石膏各三錢。爪萸粘  
槓枳壳各一錢。天竺粉

八分。甘草五分。黃連八分。急煎服之。人事稍清。因大便不行。次日以大柴胡湯下之。又次日大便雖行。熱仍不退。改以柴胡二錢。白芍藥黃芩。麥門冬各一錢。天冬粉茯苓甘草各六分。四帖而愈。三十四

秦軍程方塘翁。年六十四。向以殫徂。服溫補下元藥太多。冬月下身著單袴。立溪邊督工受寒。致筋骨疼痛。肩井缺盆。腳膝跟踝。手肘掌後及骨節動處皆紅腫而痛。卧床褥三年。吳中溪視為

虛而用虎潛丸。吳勃海視為寒而用大附子。肉桂鹿茸。徐東臯認為濕。周皜認為血虛。張甲認為風。李乙認為原節。百治不瘳。腿間大肉盡消。惟各骨節處腫大而疼。予適在程道吾宅。遇逆子。診之。其脉絃濡有力。知其為溫熱痰火。被寒氣凝滯。固濇經絡也。即為藥劑不對。故病日加。所取者目中精光。一在胃氣仍未全損。但小水解下。以瓦釜煮之。以桑柴火烘之。以酒浸之。澄結為砂。色紅而濁。兩膝下及兩足心。皆如乾釘狀。此皆

平昔服濕補春方所致病雖久年雖高猶為有  
餘之疾不可因高年疾痼棄不治也。迺特為先  
驅逐經絡中凝滯然後健脾消痰俾新痰不生  
氣血日長最後以補劑收功斯得矣。翁生平好  
補畏攻故進門者皆務迎合予獨反之。以新取  
舊。葳靈仙一斤裝新竹筒中入燒酒二斤塞筒口  
刮去筒外青皮重湯煮三炷官香為度取出葳  
靈仙晒乾為末用竹瀝打糊為丸梧桐子大每  
早晚酒送下一錢一日服二次五日後大便溼

出稠粘痰積半桶腫痛消去大半改以人參石  
斛蒼朮黃柏以仁蒼耳子牛膝烏藥葉龜板紅  
花犀角屑木通煎服二十帖又用前末藥服三  
日又下痰積如前之半仍以前煎藥服半月又  
將末藥服三日腹中痰漸少乃為製丸藥以虎  
骨晚蚕沙蒼朮黃柏丹參杜牛膝薑葉以仁紅  
花五加皮蒼耳子龜板酒打麵糊為丸梧桐子  
大罇空心白湯送下七八十丸外以丹溪保和  
丸食後服半年全愈腿肉復完步履如故三十

五

汪省吾暮秋患瘧三日一次發於夜。迨次年仲春猶不能止。遍身疼痛。頭疼。背脊疼。百治不應。即灸亦僅止得一日。次日仍發。面色青。肌肉瘦。以症叅之。邪在足太陽經。用麻黃一錢五分。人參桂枝白芍藥粉草知母各一錢。陳皮貝母各七分。姜朮煎服。諸疼減半。而瘧未止。以何首烏白水各五錢。青蒿一錢。烏梅一箇。陳皮二錢。生姜三大片。水煎。臨發日五更服。尋常以六君子湯加

黃耆柴胡五味子烏梅草果調理而愈三十六  
汪東之丈七月初旬自浙歸連日與客手譚過勞  
口中生瘡醫以香薷飲清胃湯瀉黃湯三黃丸  
黃連解毒湯白虎湯涼膈散凡治上焦熱症之  
劑竭寒涼而進之者十一日矣口瘡日甚一日  
不但飲食不進即藥亦難下咽因瘡延及於喉  
也逆予為診其脉六部俱豁大無力診罷有外  
科陳氏者自稱喉舌專門銜其口瘡敷藥之妙  
予曰汝試為口中一洗看是何狀總開口見涎



沫迷漫不能得見肉色。陳以荊芥湯洗而引之。  
攪出稠涎一二碗。餘傾於地上。偶有二雞爭啄  
之。二雞立斃。其毒何如此。亦疾之奇者。予囑陳  
曰。汝用藥只可吹入喉中。切不可敷其舌。必俟  
喉中全好。然後敷舌。待舌好。再敷口唇。甚毋得  
槩敷。恐毒無出路。反攻入喉。極為悞事。陳曰。諾。  
予對乃翁曰。令郎之疾。廼虛陽口瘡也。翁曰。當  
用何劑。予曰。附子理中湯煎熟待冷。飲之可救。  
如它藥不能立功。翁曰。瘡乃熱症。况上身已熱。

又天時酷暑大熱之劑其敢進乎予曰此陰盛格陽之症初未嘗如此因服寒涼過劑激之使然爾翁不肴其兩足膝下皆冷乎翁用手探足下果冷乃欣然聽用人參白朮各三錢大附子炮姜炙甘草各一錢水煎冷與之服後即鼾睡達旦次早便能食粥半盞足膝下漸暖藥仍如前早飯後予與二三友散步山溪午刻歸來乃見舉家大慟於地見予至哭語予曰不可為矣本是熱病誤服熱藥今舌腫大塞滿口中不能

言語死在頃刻。奈何奈何。予駭然應曰。安得有  
是不祥語也。今晨胗脉與昨不二。適往返不遇。  
二時許。何倏爾有此大變乎。待予再胗決之。及  
胗六脉漸欽。較昨大有神氣。面色亦和。獨舌脹  
大。予心知為陳寒涼敷藥所致也。迺詰陳曰。我  
別後可用敷藥否。陳點首曰。已二次矣。予撫翁  
及諸人曰。無慟。立看予為翁消之。急取官桂研  
末五錢。用生姜自然汁調塗舌上。絳塗上。但見  
眼淚雙流。鼻中涕出口內。涎垂舌頰。消去。語近

侍曰我無事矣諸環侍者男婦不下二十皆面  
面相覷以為神奇予曰可即取粥與食使壓之  
庶虛火不再升適舌脹滿者乃敷藥寒涼閉其  
毒氣毒無從出故作脹耳桂皮乃辛熱之物又  
以姜汁調塗取辛散之義也諸人皆服其論三  
十七

庚之夫令眷姪已六月為傷風咳嗽腹中弔疼痰  
壅喉音不清頭且眩運脉左滑數右寸弱關滑  
左尺有力右尺弱予以人參白朮陳皮貝母茯苓

苓桔梗桑白皮紫蘓粉草黃芩前胡四帖而病  
全愈。三十八

吳東渠年五十有七。因上年患瘧。胸痞作脹。肌肉  
大削。因連服攻剋太重。脾胃敗壞。膝及跟踝皆  
浮腫。遍身發熱。口渴。小水短赤。舌上黃胎。舌心  
焦煤。乾燥。誤服寒涼。大便連瀉五六次。目不能  
開。手足無力。倦於言語。予診之。六部俱浮大。按  
之豁然空虛。飲食不進。此中氣大虛。元神俱脫。  
可畏之甚。即以人參白朮茯苓粉草木香葛根

酒炒白芍藥水煎服之連進二帖始能開目漸  
出聲言語後以六君子湯去半夏加葛根白扁  
豆山藥藿香以仁白芍藥石斛調理而愈三十  
九

吳而源令養因未有子多鬱多思肌肉漸瘦皮膚  
燥揭遍身生瘡體如火燎胸膈脹痛而應於背  
咳嗽不住口醫治十越月愈以為瘵疾不可治  
知予在程方塘宅中迺透予治診得右寸關俱  
滑大有力左絃數予以瓜蒌仁四錢蘿蔔子貝

母枳壳調氣化痰開鬱為君桑白皮葶藶子黃  
芩瀉肺火為臣甘草前胡為使三十帖全愈仍  
以千金化痰丸調理向來年又至冬月則咳嗽  
痰喘不能睡自此後遇冬月痰喘再不復發四  
十

族嫂程氏環跳穴邊腫痛增寒發熱不能動止寢  
食俱廢頭重惡心上身熱下身冷天明乃退口  
乾舌上白胎甚厚以柴胡防風桂枝解其寒熱  
以蒼朮黃柏五加皮薤仁赤芍藥治其痛木通

利其濕熱。且引火下行。甘草調和諸藥。使各得  
職。一帖而痛止大半。再進寒熱除。三帖痛全減。  
去。改以小柴胡湯加牡丹枳殼桔梗二帖而舌  
胎脫然。四十一

上舍恒宇先生。原因生楊梅瘡。後偶遭一跌。環跳  
脫出。不能復入。窠臼疼痛殊甚。兩足因長短不  
齊。予思不能復入。窠臼者。以瘀血流入窠臼。占  
滿故竅。致骨不得復入也。今但消去瘀血。必以  
行氣活血之劑為主。以下行嚮導之劑佐之。庶



可復原用陳年窖中磚瓦洗淨煨過四動生地  
杜牛膝骨碎補丹參赤芍各一兩五錢自然銅  
三兩蒲黃車前子蘓木各一兩鹿角二兩玄明  
粉五錢各為末以茅草根一斤紅苓四兩煎膏  
拌晒前藥再以煉蜜為丸梧桐子大每空心及  
食前酒送下八九十丸未服此藥之先病足長  
二十餘服此丸藥後只差半寸設再製久服必  
能萬全惜渠素畏藥中道而止故功虧一簣也

豈堪嘆哉四十二

族姪孫女。一週歲時發慢驚。眼開手拳。目不動移。  
一腳指微動。先自顙門後遍身如少。喉中痰聲。口  
中痰沫。腹脹放屁。大便亦行。先以牛黃丸蘊合。  
香九進之不効。及各治驚治痰等藥與之。皆不  
效。即從痰沫流出。用通關散吹入鼻中。亦不作  
嚏。自中時至戌時猶不能醒。面色素青而白。氣  
稟其弱。因婢者抱而偶失跌。受驚發熱。此驚馬氣  
乘虛而入。在法已無生路。但不忍坐視。姑以人  
參三錢。生薑自然汁拌炒。煎湯頻又用匙挑入。

口中初一三四匙皆不受後又與五六匙偶能  
入一二匙下喉便覺痰聲稍緩因此頻頻與之  
十匙之中有二三匙入腹矣喉中氣轉且能  
動始有生意再以六君子湯加天麻石菖蒲  
玉澤瀉薄荷煎服至鷄鳴時乃畧啼一二聲方  
識吮乳次日咳嗽語声不出小水短少以辰砂  
益元散一錢用灯心湯調下熱退声出惟嗽不  
盡止改以四君子湯加陳皮五味子麥門冬桑  
白皮桔梗杏仁薄荷一帖全愈

程少湖因飲生酒食硬乾豆腐以致次日面上浮腫胸中作脹今經半年腹中腸鳴四肢浮腫兩腿及陰囊皆腫口乾大小便俱不利年四十六矣夜卧氣喘膝下冷先以人參蒼朮陳皮蘿蔔子半夏麴蘗厚朴枳實破故紙大附子茯苓煎服二帖氣喘稍定腹中仍鳴加白芷仁白芥子桑白皮小水頗利浮腫漸消四十四

六十一丈歙溪南人也八月初旬自新都往湖州途次偶感風邪發熱多痰且又腰痛下痢裏急

後重原有腸風下血之疾。又以舊年乃翁痢疾  
發熱卒於湖州。甚恐怖。予脉之。兩關滑大有  
力。尺寸俱不足。乃以白芍藥一半生一半酒炒  
五錢。止痛為君。當歸活血。酒連酒苓。紫胡。桂  
枝。清熱升提陽氣為臣。枳殼。槐花。兼治腸風為佐。  
益元散。木香。以實大腸。山楂。以消瘀血。調肝安  
脾為裨佐。一帖熱減半。痢稍輕。次日仍用前藥  
外。與丹溪保和丸調理五日。而出戶。四十五  
日。孫二水。年三十。體甚肥胖。夏月常浸在溪中。卧

於松陰之下。至八月大發寒熱。於巳午間至天  
明乃退。不能起床。飲食亦不進。嘔吐黃苦胆汁。  
胸膈脹悶。舌上乾燥。生茫刺。沉香色。強硬不能  
言語。必含冷水漱之。始能說一句。若再語三語。  
必三噙水而後可。惟西瓜新藕是啖。先發寒熱。  
之日。吐血一口。今則大便下血。症甚危惡。且咳  
嗽。此溫瘧症也。由醫失解散。遽用黃耆以閉邪  
氣。致成大禍。今法當清解。止吐。俾飲食進。然後  
庶可保其生也。柴胡知母各三錢。石膏十錢。葛

二錢橘紅竹茹各一錢伍分酒苓枳實各二錢甘草貝母各五分水煎服之三帖而吐止改用二陳湯加柴胡枳實黃芩黃連天荅粉鱉甲白朮何首烏調理而愈廼囑其不可食葷食葷早恐復發也四十六

堪輿張錫泉先生患左脇皮裏膜外疼痛有惡寒發熱之狀以白芥子一錢五分川芎柴胡桔梗各一錢桂枝甘草各五分水煎飲之當愈其半次日以八珍湯加青皮為君木香為佐柴胡為

使一帖全愈四十七

族侄雲岳患偏墜，臍腹腰俞俱脹而痛，左關脉絃大鼓指。用小茴香、甘草、蒼朮、益智仁、防風各五分，荔枝核、橘核、糖棗、子柴胡各一錢，山梔子、青皮各七分。服後其痛如舊，脉且轉數，恐作囊癰，急為解毒。瓜蒌五錢，當歸、甘草、節金、銀朮各一錢，連翹、柴胡、青皮各七分。水煎服之，痛定腫消。因食雞魚太早，次日臍腹又作脹痛，發熱不能眠。昨日囊消後，絃脉盡退。今發熱，改以山朮



各二錢金銀荖柴胡連翹各八分甘草節  
當歸各五分青皮七分兩帖而愈四十八  
時方妙齡表虛易感風寒致成鼻淵流清涕  
止便覺頭運兩太陽常作疼且多噴嚏脉之  
寸洪大用秦艽酒芩桑白皮馬兜鈴各八分  
芍一錢滑石石膏各二錢枳殼蔓荊子各五  
甘草三分四帖涕止病愈四十九

峰大偶與尸稍有介蒂其晚飲於侄家歸  
元腹中脹懣嘔噦不寧次日眼珠面色皆黃惡

冬發熱時當仲秋正瘡痢為癘之候醫作瘡治  
心加熱下午潮熱煩躁但嘔不嘔且鼻衄腹  
痛大便黑如墨吐出黑血如爛猪肺者然約按  
脈有謂所吐之物如此大便之黑又如彼但有一  
蠱之象心疑乃侄毒之也正欲與乃侄爭辯  
予仲子泰來適在渠宅徐語渠諸郎君曰尊翁  
尚可起顧不為救症而務與人聞何舍重而  
輕耶渠家素不急予仍迂所親信者率相視  
目珠如金面若熏橘腹大如斗其中有塊

如櫟。堅如石。兩足下皆浮腫。四肢且冷。小水  
飲食不思。莫不面面相覷。辭而不藥。舉家聞  
通宵號泣。惟欲攘臂爭閼。仲子來來。又語之  
家君固不敏。其知識量不出諸公下。昨自華  
歸。迺而胗之。當必有說。舉家忻然。敦予求胗  
脉。左澁。右滑。予曰。據滑脉主痰飲。澁主有瘀  
也。今所吐所下皆瘀之徵。斷非蠱也。使得早  
事。曷有此猜忌。此號泣哉。兩峰曰。吾生平頗  
疾。瘀自何致。予曰。內經云。怒則傷肝。甚則嘔

一不嘔則積積而聚於經隧滿而溢也兩峰曰  
謂從怒而致則此治恰當吾病源矣敢請劑  
用當歸尾三錢赤芍藥牡丹皮川芎各一錢  
分玄胡索五靈脂薤仁各一錢滑石茜根各  
二錢水煎飲之所下黑物甚多腹中仍痛塊猶  
未軟前方再加青皮山查酒蒸大黃服之大便  
行三次黑痰及痰不計其數從此腹漸寬塊漸  
消面色稍轉而黃日退飲食津又有加四肢微  
溫有生氣矣惟此治法不濟改用六君子湯

加炮姜茜根滑石青蒿調理而黑糞全無一月  
精神復舊里中謂予此役匪獨認病投劑為足  
稱且俾二宅釋猜疑排忿爭其雅誼尤足重也  
五十

予有表嫂小產後腹痛暈厥冷汗淋淋遍身麻木  
怔怔動左脉絕不應指虛極故也以當歸三  
錢川芎一錢五分人參荊芥穗燈火燒存性各  
一錢益母草澤蘭葉各八分甘草五分水煎飲  
之腹痛減惟怔怔不寧以四君子湯倍加黃芪

為君當歸香附益母草為臣川芎為佐炮姜為使兩劑而安五十一

陳士美孤子也年弱冠由夢遺後患頭疼發熱時值仲夏醫治不瘳凡市中有名者率延致轉治轉熱反加水瀉口渴日夜不得眠者旬日衆視為危時有俞氏者用參耆白朮為其飲汗止瀉而汗瀉愈劇呻吟不間晝夜勺粒不入口咳嗽喘喘躁悶不寧又四日矣渠親邵瓊林交予因先邵逆予為治診其脉左絃長右洪大俱七至

舌胎焦黃體若火燎神昏氣促予曰此仲景傷寒熱症也邪在陽明少陽二經其危不啻風中燭胡師不認症察脉徒以虛遺受病率投補劑無恠乎轉治轉劇也幸予至談遲一日大事去矣用石膏五錢柴胡知母各三錢炙甘草白芍藥枳壳桔梗黃芩天荅粉各一錢粳米一撮急煎飲之夜半熱稍退神稍靜脉之仍數甚繼以前劑進天明乃得睡覺而熱退神清瀉止鬲寬惟口尚渴再用柴胡一錢五分白芍藥麥門

冬知母各一錢石膏三錢甘草五味子各五分  
人參七分服之舌潤渴止餘熱盡退粥飲始入  
漸向安矣次日忽兩足指前一截痛如犬噬不  
能耐以野蓼握入明礬四兩煎湯薰洗痛勢  
稍緩又以薏以仁三錢木瓜二錢黃栢牛膝各  
一錢漢防已三分一帖而愈後又乾咳嗽晝夜  
不佳口喉且疼胸脹而體畧熱此為誤服參朮  
太早之過用馬兜鈴百部御米壳各用蜜水製  
過一錢五味子一錢一合二錢四帖而



愈五十二

程松逸兄患酒疸遍身皆黃尿如蘖汁眼若金裝  
汗出沾衣如染胸膈痞滿口不知味四肢疲軟  
脉濡而數以四苓散加厚朴陳皮糖毬子麦芽  
葛根倍加青蒿水煎臨服加萱草根自然汁一  
小酒杯四帖其黃渙然脫去五十三

太學岐原門下幹人名仲諫者患跨馬瘡大發寒  
熱紅腫疼痛嘔惡不納飲食外科醫月餘腫痛  
日加飲食日減肌肉日消精神大憊不能起止

岐原邀予脉之六部數而無力形氣殊不勝息時  
有專科唐氏為渠調劑將進予詰何劑唐曰真  
人活命飲也曾服四劑今始加大黃予復詰曰  
前此何劑唐曰敗毒散黃連解毒湯予曉之曰  
此皆治初起有餘之疾據今症乃氣血大不足  
者法當大補托而出之庶保終吉唐曰凡痛為  
實痒為虛今痛正盛脉正數飲食且不進大補  
必加飽悶飲食何由進熱毒何由出也予正色  
語之曰素問云數脉所主其邪為熱其症為虛

今痛極者皆由寒涼敗毒之劑傷脾胃損氣血  
故飲食減而痛增也。又以敗毒之劑進是鴆之  
爾。安望膿出而全其生乎。唐曰補劑迨膿潰之  
後或因膿清而後用之。今膿未出安可謂虛而  
補之。吾為專門不敢任其責。予顧岐原曰生死  
在此一劑不可不慎。彼謂膿未出無補理。彼排  
膿內托散十全大補湯非外科急劑乎。大抵凡  
病寧使有餘。後欲剝之。廼為易易。今狼狽若此  
再株守成法剝劑。後何以措手。岐原曰井蛙之

見豈知有天惟叔命劑予用黃耆三錢人參二錢芍藥當歸各一錢白芷官桂甘草防風各五分急煎飲之一帖痛止而精神回飲食進再劑而膿潰十帖肉生能動止矣唐廼拊膺嘖又語同列曰今而後知補劑能出膿而加食也吾儕外科當永識此以為法則五十四

婦咳嗽痰中有紅大便一日五六度惡心飲食極難下鬲絕下鬲腹中即不安立時欲瀉必盡瀉出乃止肌肉消瘦一服後將發時四肢

先麻兩足膝皆戰搖兩寸關脉滑數兩尺沉細  
此虛中有食積痰飲之候也脉雖數午後雖發  
熱不敢輕用寒涼特為溫補下元庶關門有守  
瀉可止也山茱萸兔絲子人參破故紙杜仲山  
藥茯苓澤瀉桂心砂仁服下甚安四劑後下體  
不戰搖矣但飲食腹中微疼即欲登廁前方減  
去山茱萸加白朮肉果木香八帖愈五十五  
歲姪煌春溫後忽鼻衄寒戰小水不利舌上焦黃  
目珠極紅六脉伏而不見舉室惶又予曰此作

汗之兆由熱極使然也因先時汗未透徹陽明  
餘熱在經迫血上行越出鼻竅故有此症以石  
膏滑石生地黃升麻赤芍藥牡丹皮麥門冬天  
花粉甘草煎而服之汗出如兩直至兩踝舌潤  
而胎盡退亦止目珠色淡脈乃漸出改用人  
參麥門冬五味子白芍藥二豆如母黃芩紫胡  
竹葉石膏厚朴大黃三三三三三三三三三三  
神效此藥名曰三三三三三三三三三三三三  
江氏補血散

半載腹大如斗堅如石。  
治月餘弗瘳乃舉歛六  
急小水涓滴不通乃倣  
補下元之劑則脹急欲  
憐之薦予胗其脉兩關  
有餘之候也。症雖重机  
乃姑治家嚴而過儉其母  
袖熟鷄牛古之類私授之。因  
成鼓脹。前回事者並不察病源。

氣虛中滿治之。脹而欲裂宜  
九三下之。而脹消積去。後以  
一月而愈。積塊九列赤水方  
五十七

族侄孫仲登因與堂兄構訟  
未旬。醉後房事二起而小  
瀉。腸鳴一日十數度。發熱  
一帖。反加嘔逆煩躁口渴  
右洪大俱七至。飲食不化。



唇燥舌上生胎深厚。診畢語予曰。我房失後陰症傷寒也。小腹痛且漏底。幸叔祖救之。予嘆而應曰。以子所言。決為陰症。以予指下辨之。當是春溫陽症也。且外症亦陽。烏得為有房事而遽以理中進之乎。族中相知者。交為予言。渠病的屬陰症。故嘔吐水瀉。不可因其面赤。便認為陽。顧戴陽症。與此近。但幸加察之。吾輩正擬於理中湯內再加。大附子肉桂。庶可保全。予經言不可。仲景有云。桂枝下咽。陽盛則斃。况附子理

中者乎。陰陽寒熱之間辨之不直。生死反掌耳。茲當舍症而從脉也。以溫胆湯加姜汁炒黃連。柴胡乾葛與二帖。囑令當夜飲盡。俾明日不它傳也。予別後。渠一服而嘔逆止。餘症悉在。詰朝予診竟。和渠曰。夜來二藥必未服完。不然何兩手之脉洪大搏指如從。僉曰。因有竹茹黃連恐非房失後所宜。故僅服一。予曰。不服黃連致熱轉劇。今日非石膏不能已。乃與白虎湯加竹茹兩劑。臨別囑渠曰。今之症非昨日可比。用石膏者。

豈得已哉。設當用不用。使經中之熱傳入於腑。非大黃不能療。切勿失時。誤事。詎知別後又有惑之者。仍只服一帖。漚即隨止。餘小腹之痛。且在。次日予診畢。語渠曰。昨臨行時。囑之再三。何乃又不服完。今脉洪長堅硬。邪已入腑。柰何。柰何。對曰。衆謂石膏太寒。恐小腹加痛。實只服一帖而已。予曰。懼服石膏。今且服大黃矣。皆失時。誤事之過。周金人銘云。熒又不減。炎炎柰何。其斯之謂歟。思非桃仁承氣湯不可。乃覲面前服。

連飲二劑。下極黑。燥糞五六枚。痛熱俱減。再為  
診之。六脉皆緩弱。這是病方盡去。改以四君子  
湯加白芍藥黃連香附。調養數日而愈。五十八  
江希明。竹山丈長君也。年弱冠。性多躁。素有痰火。  
舊曾吐紅。張醫田收蒞之。劑太早。以致痰與瘀  
血滯滯經絡。釀成病根。恬不知覺。且為灸肺俞  
膏盲。撼動前疾。止瀉無功。滋陰作壅。咳不能睡。  
又誤作風邪。而發散風劑。不思火盛得風。其  
勢愈熾。血從口鼻噴出。勢如泉湧。延予為治。六

部洪數身熱而煩又時當三伏內外之火夾攻  
縱體質剛勁寧能堪此銷鑠哉予思非釜底抽  
薪之法難奪其上湧之勢乃以三製大黃三錢  
石膏五錢黃連茜根滑石各二錢牡丹皮一錢  
急煎飲之大便微行二次血來少緩即用石膏  
滑石冬青子各三錢旱蓮草茜根各二錢黃連  
山梔子貝母各一錢甘草五分茅草根五錢煎  
服血乃全止三日後大便結燥火又上逆咳  
連聲左關脉絃勁右關洪滑與當歸龍會丸下

之而咳始緩改以瓜蒌仁茜根各二錢五分貝  
母旱蓮草麥門冬知母各一錢白芍藥二錢黃  
連黃芩各七分青皮甘草各三分仍加茅根後  
每遇大便燥結即進龍會丸。此調理三月大  
定半載全瘳。書云病有六不灸。火盛者不灸。此  
由誤灸。幾於不保。故特識之。以為好灸者龜鑒。  
五十九

興文學祝弘吾公。祝令君叔祖也。在休衙。偶有  
陰陽之患。子午潮熱。咳嗽痰多。汗流不止。胸膈

不暢大便燥結動作喘乏口渴以貝母知母瓜  
蒌仁桑白皮各一錢枳殼黃連麥門冬各八分  
桔梗柴胡前胡各五分甘草三分五味子十一  
粒服下五更微汗熱退十之七惟痰嗽喘乏改  
用瓜蒌仁二錢餘如前外以七製化痰丸夜服  
熱盡退渠甚喜以為自是以往可勿藥矣予曰  
未也據脉絃數不減恐防作瘧公未為然予適  
東行半月書報瘧作咳嗽轉加所出皆黃粘老  
痰予曰書云無痰不作瘧仍用前方倍加柴胡

貝母名石加烏梅一介四劑霍然良已公曰翁  
之視疾應若桴鼓古云智者不治已病治未病  
吾於翁言徵之廼以是備言祝令公祝令公喜  
曰孫君匪獨得岐黃正脉其雅誼足稱叔祖尚  
朱前聞予當賦詩呂贈於是欣然手書若干律  
以授余其詩附後第六卷

素封汪甯翁年八十有一因勞倦感冒胸膈大熱  
而痞口渴舌上胎白如敷粉咳嗽夜不能睡此  
陽症也柴胡一錢桔梗枳壳竹茹知母各八



分酒連酒苓朮粉各七分甘草四分姜三片  
服下乃得睡口仍渴痰仍嗽前方加半夏麴  
與二母丸治其熱嗽而愈六十一

汪鍊兄內人經水久不止內有紫黑血塊今則胃  
脘胸腹皆痛玉戶且腫手足皆冷絕不知餓臍  
腹之下有一塊堅如鉄脉左數右沉澁此血瘕  
症也用糖毬子五錢玄胡索五靈脂香附麦芽  
青皮各一錢水煎服夜即痛減其半手足漸溫  
後加丹參川芎蒲黃益母草當歸四帖而痛全

正玉戶亦消耳四帖而經調六十二

程相如夫人政孕四月頭疼遍身皆痛腰痛更甚  
惡寒發熱咳嗽口渴六脉浮數臣小柴胡湯加  
防風羌活葛根姜朮煎服夜忽大發寒戰繼而  
發熱五更又發戰告急於予予曰此作汗之兆  
俄而汗出口渴頭疼身熱皆減惟胸膈脹悶此  
胎氣上逼而為子懸以大紫蘊飲與之紫蘊人  
參白朮茯苓甘草當歸陳皮大腹皮川芎白芍  
藥服後身冷而汗出不止胸腹脹痛急臣奪命

丹進服下嗒然而睡覺則痛止脹消始能進食  
身溫汗止騷騷向安奪命丹用白茯苓牡丹皮  
桃仁白芍藥桂枝醋水煎服止痛如神六十三  
余文台壯年咳嗽吐紅腹中常痛夜多口渴夢遺  
背心作脹兩手脈短弱兩關絃大左尺弱右尺  
滑大心血不足中焦有痰積鬲間有瘀血陰分  
有滯火乃先為清肅上焦用山梔仁牡丹皮丹  
參茯苓甘草貝母橘紅益元散服十帖背脹漸  
消惟咳不止改用黃芩杏仁半夏麴益元散黃

連爪萸仁甘草十帖而嗽止惟腹疼不除再自  
遇德丹全丹溪保和丸進之大便下稠積痰多  
甚後呂人參白茯苓白芍藥紫苑知母麥門冬  
甘草當歸五味子調理而愈六十四

邵伯成夫大令愛經水通行洗浴後感冒風邪誤  
服人參補劑大發寒熱嘔吐煩躁隨即口噤心  
煩不安循衣摸床時當仲夏之晦予謂上焦有  
痰因誤補故阻滯其氣道而然與加味溫膽湯  
半夏四錢橘紅二錢白茯苓枳實竹茹麥門冬

名一錢益元散三錢生姜三片水煎飲之一帖而安後稍勞復頭疼痰火上衝背脹腰痛以柴胡薄荷甘草枳壳桔梗酒芩桑皮半夏麥門冬山梔仁茯苓生薑調養全愈六十五

金氏婦蘊雙泉之親媽也舊秋患崩中愈後方百日時值上巳因洗浴受風邪外寒而束內熱崩後心脹四肢腫痛面有浮氣惡寒發熱呵欠不時大小便欲行不行口內常甜六脉浮大而數以柴胡紫蘊麻黃桔梗枳壳大腹皮厚朴酒芩

姜黃服下夜得微汗胸腹稍安四肢仍脹再加  
蘿蔔子進之覺煩燥且醋心改用二陳湯加香  
附大腹皮桑白皮姜連枳壳山梔子各八分益  
元散二錢意以仁三錢吳茱萸三分服下四肢  
消半面氣全消覺腰疼暖氣胸膈嘈辣用六君  
子湯加薏以仁姜連厚朴知母澤瀉薏仁砂仁  
枳實調養半月四肢悉平嘈雜尋愈六十六

文學張雲門三令郎丁年偶發瘧疾右脇有一塊  
隆起疼痛手不可近下午三時發熱甚劇

皆熱脉右關洪滑兩尺尤有力日夜不得睡迺  
做推氣散例姜黃桔梗川芎各一錢伍分枳實  
二錢白芍藥一錢粉草五分姜枣煎服外與當  
歸龍會丸其夜大便秘行一次頗得睡三更後先  
發寒戰徐熱至五鼓微汗而脇疼寒熱悉減再  
診之左脉畧絃舌有黃白厚胎兩脇重按微疼  
大便秘結不行以小柴胡湯減半夏倍加瓜蒌  
蠶甲牡蠣脇疼全瘳畧丸畧硬痛彼自以為無  
恙矣予語渠姐夫徐仲子偉曰病先起脇下顧

脇下為肝之經。後及舉丸硬疼。其舉丸亦肝之地。此餘熱未盡徹故也。而彼已厭藥。以小愈為全安。不出浹旬。必有奇疾。徐仲子曰。奇者若何。予曰。此君性急好勝。倘勉強作文。遇勞而發。增寒壯熱。非瘡即囊癰也。予倘東行。子宜識之。別後半月。果因作文。夜發寒熱。囊漸腫大。其熱如火。及予至。診之。六部皆數。兩尺且近於洪。知其膿已成。必潰。而後已。彼心甚恐。予曰。無傷。易與耳。急以營衛返魂湯。加金銀荅為君。兩帖而膿



潰丹加人參。又兩帖而肌生。十日全愈。方用何  
首烏赤芍藥當歸小茴香甘草節木通金銀朮  
貝母枳壳白芷水與酒共煎服之。此方加獨活  
治流注尤神。六十七

朱宅內眷孕已八月。因送殯受驚。胸膈脹悶。嘔逆  
不入食。城中時師認為外感。為之發散。嘔惡愈  
劇。舉家恐胎有動。延予診視。兩寸脉皆洪滑。兩  
尺弱。此亢上不下之候。胸膈脹者。蓋由子懸而  
然。此一劑可瘳也。夫曰胎婦難任。峻劑觀其嘔。

惡之狀。脹悶之狀。時刻不祗。一劑曷愈。予曰。請試之。與溫胆湯。加姜汁炒黃連。大腹皮。水煎成。送下姜汁益元丹。果一帖而嘔止。再寬。即能進食。午後酣寢。貼然若未始有病者。其夫訝曰。溫膽湯何神。若此。幸詳其義。予曰。胎孕之症。重在足少陽。足少陽者。膽也。病起於驚。驚氣逆。痰隨胎氣上通。故脉上不下。在難經為溢候。由木火之性。上而不下。經曰。上部有脉。下部無脉。其人當吐。不吐者死。予故云。一劑可愈也。方名溫膽。

者此溫字非溫暖之溫。通溫存之溫。黃連竹茹  
清其肝膽之火。全白茯苓而安心神。益元丸壓  
其痰火下行。火下行而胎因之亦安矣。筠臯公  
曰。先生認症真。故投劑確。非神乎。藥神乎。用也。  
六十八

胡鄰泉令愛。及笄後患吐血。每吐碗餘。下午倦怠  
夜分潮熱。嘔吐不食。大便秘結。時師視為陰虛  
火動。投以滋陰之劑。反加飽悶。背心脹痛。予診  
其脉兩寸洪大。兩尺弱。知其有瘀血凝滯。以致

新血不得歸經。故滿而溢也。法當消瘀為主。用  
白芍藥。枳殼。前胡。益元散。桃仁。紅苓。牡丹皮。山  
梔子。貝母。水煎。臨服入蘿蔔汁一小酒杯。服後  
嘔。如舊。大便仍秘。乃以龍會丸通之。更以石  
膏三錢。橘紅半。夏。麴。姜。連。茜。根。竹。茹。黃。連。枳。殼。  
各一錢。白茯苓八分。甘草三分。服後大便得三  
次。吐止。食進。後用二陳湯加滑石。丹參。丹皮。茜  
根。白芍藥。香附。二十劑。後經行。熱退。背脹。悉愈。

石令堂年可五旬。大怒後小解。驀然暈厥。口  
禁牙關。不省人事。以蘇合香丸灌之而甦。左手  
右足疼痛。不能舉動。用二陳湯加酒芩五加皮  
秦艽石菖蒲防風蒼朮以仁紫荊皮四帖而愈。七  
十

族姪孫君實。壯年患遍身筋骨疼痛。肢節腫痛。其  
痛極狀如虎噬。大小便起止。非三五人不能扶。  
諸痛處熱如火燎。食飲不入。呻吟床褥。已經二  
候。有以踈風之劑投者不應。又以乳香沒藥活

血止痛之劑投者亦不應。延予診治。六脉浮緊而數。予曰。此周痺也。勢甚惡。俗名白虎。慙節風。廼濕熱所致。丹溪云。腫屬濕。痛屬火。火性速。故痛暴猛。若此。以生地黃。紅芩。酒苓。酒連。酒栢。秦艽。防風。羌活。獨活。海桐皮。威靈仙。甘草。四劑而痛減大半。再加赤芍。藥當歸。蒼耳子。薏苡仁。減去獨活。秦艽。又八劑全愈。七十一

葉子黑。內人患疫。醫為其汗。為其下。螫拔不能起。屍寢者已決旬。家事窶乏。亦不能復。聊醫。

覩其狀。以生死在須臾間。群然發善愿。科歛。助其殯。歛之需。予聞為之。胗六部俱微弱。不充指。右關稍滑。精神昏憊。僅一息奄奄。四肢冷厥。以渴。予胗畢。語諸鄰曰。據症甚危。據脉邪已盡退。惟虛憊而神氣弱。非大補不能也。諸君苟能以助殯者。其市人參。庶幾可起死而還之生也。諸君既其死。寧不以異其生乎。予非毫有希覬。顧渠力不贍。願與諸君共圓滿好生善果耳。諸鄰固有善心。激於余言。益忻然相語曰。惟生

生命。即以六君子湯加歸芍補氣血而化痰滯。以麥門冬五味子復脉通心而生津液。以桂枝溫其四體。午刻進藥。晡刻四肢漸暖。精神渙發。尚無力開聲。改以生脉湯加遠志歸芍以仁山藥調理。而愈。諸鄰人大快。七十二

孫如亭令政年過四十。眼偶赤腫。兩太陽疼痛。大便不行者三日。平時汛期一月僅二日。今行四日。猶且未止。里有開化余雲谷者。自謂眼科捷手。醫治踰候。腫赤不消。而右眼內眦突生一白



原缺

之已五日。大便雖瀉。痛則尤甚。飲食不進。手足  
清冷。形神俱倦。脉僅四至。重按則伏。而有力。此  
由攻尅太過。寒涼傷脾。脾虛則中氣不運。積反  
凝滯。以故大便雖瀉。而積不行。痛終不減也。治  
當建立中氣為主。中氣一旺。痛當立止。志與王  
海藏五神丸二錢。滾水送下。以止其痛。此丸補  
接元氣。安和五臟。升降陰陽。極有神應。故名五  
神丸。方出醫壘元再用小建中湯調肝養脾。蓋  
脾下通肝經部位。推此湯廼對症劑也。白芍酒

炒三錢。炙甘草一錢五分。桂心一錢。加香附一錢。生薑三片。水煎服。午牌進藥。未牌已報痛止。因其夜進粥太頻。且食鴨汁。撼動餘積。腹又作痛。且加脹悶。面有浮氣。裏急後重。與四平丸而漸定。外以二陳湯加香附。砂仁。蒼朮。厚朴。山查。腹中始覺寬快。三日無恙。又縱恣口腹。大啖肥甘。糕粽肉鷄之類。不飽不止。腹中大痛。時刻難存。欲吐則食已下。欲瀉則食尚未入。腸自喊叫云。可取木香。枳實丸。大承氣湯。急與我下之。

死無憾。予諭之曰：據痛雖甚，腹則不堅，顧全  
日適屆冬節，禮曰：先王於至日閉關，安靜以養  
微陽，曷敢以大寒峻劑而涸天和乎？誤不得已，  
只須柏樹東行根上白皮一錢，長流水煎飲之。  
一服可愈也。夜已二鼓，覓而煎服，天明瀉三五  
行，痛減大半，仍與小建中湯和之，痛又旋減。惟  
臍下尚不脫然，常又以熱手重慰之，大便欲行  
及至，則又不解，知其血少而氣不調，用熟地  
三錢，白芍一錢，杏仁二錢，烏藥一錢，木香五分。

水煎飲既下黑糞甚多。十年腹痛沉疴從此再  
不復萌。此後勉坐常語人曰。吾得孫公五神丸  
和根皮。小建中湯三法。不啻脫胎換骨。數年來  
豈惟飲食增加。即步履輕便。捷若少壯。皆孫君  
賜也。親友有求其三法者。昇而服之。捷若桴鼓。  
波家謂子殆三生夙緣云。七十五

黃頤坐內子。產未滿月。醉犯房事。血來如崩。勢不  
可遏。發熱頭暈。大小便俱熱。六脉洪大。以竹茹  
蒲黃白芍藥各一錢。

黃頤坐內子。產未滿月。醉犯房事。血來如崩。勢不  
可遏。發熱頭暈。大小便俱熱。六脉洪大。以竹茹  
蒲黃白芍藥各一錢。

七分甘草炮姜艾葉各三分血止大半腰猶脹  
痛下午胸膈飽悶改以川芎五分當歸茯苓破  
故紙蒲黃香附各八分姜炭甘草各一分陳皮  
七分人參一錢服此血全止腰痛亦愈七十六  
程心童兄頰腮紅腫嘔惡發熱不能進食下午煩  
躁口苦夜不能睡六脉洪大此俗名鷓鴣瘟是  
也。廼少陽陽明二經之症。法當清解以柴胡黃  
梔各二錢乾葛竹茹半夏麴各一錢黃連枳殼  
各七分甘草四分一帖而瘳其半再服腫消食

進而安睡矣。七十七

程六十者。原有喘嗽。今腫發於面。四肢俱浮。大  
溏。小水少。時多怔忡。此痰飲症也。以旋覆花  
加桑白皮。薏以仁主之。旋覆花桑白皮各一錢。  
半夏人參橘紅茯苓各七分。厚朴五分。桂心  
甘草各三分。薏以仁一錢五分。生姜三片。水煎服。  
一劑而怔忡除。四劑喘腫俱消。七十八

程七護夫發熱背痛起於傷酒。醫治三月反加重。  
後重瀉下紅白稠粘。中脘有塊。自鳩尾骨直

至臍如橫梁狀小水少且澁一日僅進粥二  
日不能起緣一起即後重墜腹中隱隱痛  
與積塊九消之連與二日所下血屑甚多外與  
消石三錢當歸二錢桃仁川芎白芍藥枳實山  
查各一錢酒苓酒連各八分木香六分升麻五  
分連進四帖塊軟腹寬再以丹溪保和丸兼服  
一月而消其六飲食大加紅白俱無塊痛硬瘻  
雖云稍可然其根尚未易刈素多縱性飲啖無  
忌每每為飲食所復病久而中氣虛弱難任峻



轉運與六君子湯加香附山查滑石紅麴木香  
酒連調理而全。迺囑之曰：足下兩構危疾，皆縱  
恣所致，不佞彈力盡技，為足下拯之，非易易也。  
固三生之緣有在，幸無為再悞。邵子謂爽口物  
作疾，快心事為殃，足下其鑒諸。七十九

程獨人黃氏予之內親也。發熱頭痛，遍身如燬，口  
渴譫語，飲食不進。先已迎程文峰氏療之，認為  
痛風，止授以蠟丸及辛溫之劑。進之，予適至，為  
之診。六部絃而洪數，視其舌皆沉滑，其脈洪刺。

深厚神漸昏沉。廼語之曰。此春溫過時熱病也。  
法宜清解。彼視為痛風。而用辛溫。是謂如火益  
熱。適足以戕生。非衛生也。六和宇氏亦以予言  
為是。廼用石膏五錢。知母。麥冬各三錢。竹茹。甘  
草。黃連各一錢。生姜三片。一帖而神清。再帖汗  
津津出。始能言。熱解食進。又兩帖。一身輕快。自  
能坐立。再用薏苡仁。麥冬。白扁豆。甘草。黃連。  
白芍藥。香薷。白茯苓。調養而愈。六十

用望。獨人年踰五十。月汛常止不止。來且甚多。

通身皆疼手足牽扯而痛牙疼經年不愈此氣  
虛血熱症也白芍藥二錢當歸八分人參七分  
蒲黃五靈脂炒黑側柏葉各一錢五分甘草姜  
炭各三分四帖諸症悉減惟牙痛尚存改用石  
膏一錢五分人參石斛當歸各八分地黃白芍  
藥各一錢黃連升麻各七分白芷甘草各三分  
再四帖牙疼亦愈八十一

合近洲予族中至厚姪孫也性拓落豪放不羈  
伸在茗輿諸友泛舟遊於三浪之間興至即

百觥不辭。亦以是終為酒困也。嘔惡體熱。胸脇  
脹悶。腹中疼痛。大便秘結。飲食大減。茗之名醫  
如楊調元者。橋梓悉方治之。已三月。或愈或否。  
延至深秋。肌瘦神瘁。日進米僅二合。胸脇脹。腹  
中痛。漠然畧無所減。憊然而不可支。兩足皆有  
浮氣。歸謀於予。左脉沉絃而數。右關結實大如  
碧豆。因詰其在。荅所服之劑。荅曰。彼謂姪孫稟  
薄肌脆。宜當理脾。向服多理脾之劑。予曰。否。子  
所苦者。胸脇脹悶。腹中疼痛。大便秘結。其累大

與理脾胃可以去此哉。適足以益病耳。經曰：塞者通之。又曰：通則不痛。其治此病之謂歟。廼取當歸龍會丸三下之。大便秘行五六度。又與酒連酒苓青蒿姜黃枳即青皮半夏葛根飲之。豁然焦鬲通達。呼吸開利。惟頭畧運。足上浮。未去前方。再加滑石茯苓薏以仁山查與調中丸。服半月全愈。近洲喜曰：人皆謂我症係中滿。今不滿者。叔公力也。敢不德歟。予警之曰：吾聞君子之於身也。兢兢焉不敢輕。父母之遺教。無代天

和則疾疢不作。無反天常。則哉害不逢。遽伯玉  
嘗言行年五十而知四十九年之非。况新愈後  
尤當痛懲。庶保遐齡。區區毋足恃也。別未五年  
予在宜興。聞訃果以傷酒而卒。噫惜哉。八十二  
甲午秋仲下旬。黃源金先生以中饋病急。謁予於  
市。貌甚慘。步立慄然。語其症。怔怔言溢於吻。不  
勝其憂。執族醫尺一白予云。病自仲夏吐血二  
梳。餘初以苓連枝葉生地芍藥大寒之劑投之。  
一帖而止。未幾則咳嗽徹晝夜。後師謂咳自吐

無後當從滋陰降火之治。逾兩月盡其法而罔  
效。反加喘促洩瀉。辰巳二時發熱煩躁。師告技  
窮。謂喘咳迺火刑肺。金洩瀉迺脾胃已傷。保脾  
則火愈熾。而喘咳增加。滋陰則洩瀉綿綿。而元  
氣下脫。經書所記咳而下洩上喘者死。此症之  
謂也。但無可柰何矣。語竟。泪潛潛下。予觀其忡  
忡之狀。心不覺惕然動也。市去渠宅五里許。即  
步去一視。觀其面青。喘促擡肩。擷頤。息息連身  
而倒。脇背俱疼。日夜不得依枕。脉之左澁。右寸

服滑大膠畢。額金兄猶汨盈背。予撫其背曰。毋  
汨。尚可生也。適徐仲子同視。詰予曰。症若此。夫  
子曰可生。何也。予曰。是非汝所知也。第觀予治。  
俟奏功。當語汝。遂以紫苑。茜根。牡丹皮。桃仁。益  
元散。桑白皮。茯苓。桔梗。瓜蒌仁。桂枝。白前。水煎。  
臨服加韭菜汁半酒杯。服後背脇痛止。瀉減半。  
通得睡。但咳而聲啞不除。次以杏仁。桔梗。紫苑。  
甘草。白前五味子。瓜蒌。乾姜。欬冬。荅半。夏。麴通。  
華水煎服。服後聲漸開。瀉全止。惟嗽尚多。再以



事夏。麴。桔。梗。茯苓。陳皮。甘草。杏仁。桑白皮。白前。  
以仁白芍。牡丹皮。水煎。後以丹溪治嗽吐方。用  
瀉白散。加青皮。人參。白茯苓。五味子。調理全愈。  
次年誕一子。是候也。徐仲子之功居多。蓋金為  
徐仲子友也。徐仲子治疾多奇中。廼篤信予而  
推轂之。初投劑。人多置議。仲子獨贊之曰。其必  
有見也。人人辟易。彼許可生。安得不望生哉。故  
金任之不貳功成。余明甫查仲修問予曰。病起  
於吐紅。發熱煩躁。喘咳。皆是火邪。予之

陰降火藥。法亦未爽。然而病轉增劇。其故何也。  
予荅曰。醫不難於用藥。而難於認病。余明甫查  
仲脩曰。市人議先生治疾多不循方。每每師心。  
金之役人。皆市為火症。而用寒涼。先生獨用溫。  
熱雖成功。小子竊為先生恐。予曰。病原於火。其  
勢之劇。以治之太峻。致然。夫血之初來。勢如湧  
泉。安能一吐遂盡。必有餘血伏於經絡。思不及  
此。而以大寒之劑一帖而止。夫大寒之劑。豈能  
止血。適以凝其血耳。血凝經絡。滯於氣道。氣滯

血凝日甚一日氣滯又復生痰痰與瘀血兩滯  
經絡則肺氣不利故咳嗽聲啞不加察而為消  
痰化痰導血歸經又以滋陰苦寒之劑施之則  
痰瘀愈凝而氣道愈不利也久則胃寒脾弱反  
增洩瀉晝夜喘促不能卧矣書云上熱未除中  
寒復生而為陰盛格陽之症故咳而嘔吐予故  
始以桂枝乾姜之類溫其胃以桃仁蘼汁丹皮  
茜根之類活其血而消其瘀故喘止而瀉除東  
垣曰脾胃喜溫而惡寒信不欺也古謂藥不貴

方而貴合宜。方即兵家之陣圖。匠氏之規矩也。圖可授人。而不能授人闕。匠可授人規矩。而不能授人巧。此岳武穆對宗晉守云。運用之妙。存乎一心也。予遊方之外。亦不失方之內。惟不失方。竊謂知方。知方合法。豈區區能哉。觀古人治虛怯之疾。即不治之症。亦能延之三五載。廼今治虛怯者。不半載而竟殞逝。猶駕言曰。殆今之天元運氣使然。故人多不壽。愚謂天元運氣。則人人皆如是。夫何予母八十有六。予父踰八

望九。予伯母今九十有五。予表伯汪春元東台  
之父年九十餘。疆健不啻少壯。不思速夭之由  
皆為滋陰降火之悞。而反歸咎於天。天何尤哉。  
緣滋陰降火之法起於丹溪。繼而王節齋何大  
英之流倡而和之。以成其風。此當今之大弊。而  
人未之警也。我師祖汪石山先生揭而指之。惜  
乎未有繼其言者。一齊衆楚。故滋陰之禍流而  
迄今。救以繼救。無已時也。二三子其識之。徐仲  
子其聞之乎。仲脩又問。先生何以認是症為中。

寒而非陰虛之火而又認其喘為瘀血也。予曰：脈與症皆可考。脈經云：澁為氣滯，氣滯則血凝。盛吐之後，大寒之藥一帖而止，其未盡之餘血為寒涼所凝滯于氣道，為喘。書云：從前來者為本，從後來者為標。茲用活血消瘀之劑，其本以溫熱暖胃之劑治其標，故瀉止而喘定也。若夫陰虛火動之脈，迺細數之候。今脈滑大，非陰虛之脈。陰虛喘嗽之症，潮熱於夜而頰皆紅。今熱在辰巳陽分而面色帶青，由是以知其非陰。

虛之火。遇誤用寒涼。激其火而上行也。經曰。水  
流濕。火就燥。中氣既寒。火愈不能下矣。正如兩  
驟雷烈。則電光之火愈熾。日出而電光自息也。  
且陰虛火動。火起九泉。皆自足下湧泉穴起。以  
漸上升。今膝下冷而上身熱。兩尺脉又弱。蓋由  
咳而氣升。經曰。形寒飲冷則傷肺。肺氣為寒。藥  
壅遏不得下降。故咳而吐酸。丹溪纂要云。陰氣  
在下。陽氣在上。喘咳嘔吐。瀉白散加人參。茯苓  
五味子。青皮。故不從河間而用諸嘔吐酸皆屬

於火之治。況今歲次甲午為濕土司運。八月建酉。水土衰敗之時。內經曰。母遠時。母代化。且脾惡濕。濕多則瀉。濕則生痰。前後之師。不考運氣。月令。一槩而用滋陰降火之劑。助濕生痰。安望其疾之愈也。丹溪纂要云。實脾土。燥脾濕。是治痰之本也。遵而用之。如鼓應桴。予故曰。醫不難於用藥。而難於認病。有以也。八十三

族姪合溪年當八旬。春初偶為寒襲。發熱咳嗽。醫與芎藭散。即汗出不止。飢飢連聲。勺粒不入。昏



憤經旬。汗日加。飢日甚。延予盼之。六部浮大。無力。重按三五不調。六七至一止。右關近滑。胗畢。語嗣君。敬所曰。尊翁由勞。倦來。虛感邪。脉故浮大。無力。法當從東垣補中。益氣湯。一二劑可瘳也。醫廼妄為。表散致汗。渴神疲。昏漄。此高年值此。寧不殆乎。即可微俸圖安。亦不過千日養耳。敬所勃然俛而對曰。上已後。為家君壽。期不虞。構疾羸。儻若此。苟保百日。俾救水之心。庶幾必盡。叔祖之賜多矣。若千日。又出於望外也。三

即以六君子湯加山茹柿蒂以止嘔。再加酸寒  
仁石斛以斂汗。一進熱退。飯定。再進汗止。食入。  
三進。需需然精神長矣。廼減去竹茹柿蒂。加當  
歸。半月全安。先是祝令君謂渠有耆德。請為介  
賓。以疾辭不及赴。迨季春。令君聞渠壽。即援例  
賜一級寵。以冠帶扁額片彰。恩典光於鄉閭。  
後果三年而卒。八十四。

孝廉方叔度令嫂汪氏。年甫三旬。患脹滿。諸名家  
或補或消。或分利。或溫或寒。悉為整理一番。東

手而亡。奉家惶惶無所適從。叔度曰。聞孫仲闇  
昔患此。衆亦束手。比得孫生生者。治而起之。衆  
皆歛衽。欽服。仲闇伯仲適在館中。聞諮訪之。即  
發書介予。隨紹嚮往。診得左脉絃大。右滑大。予  
曰。此李東垣木香化滯湯症也。病從憂思而起。  
合如法按治。可保終吉。叔度喜曰。曩從事諸公。  
悉云不治。先生謂可保終吉。此故倉公有言拙  
者疑殆。良工取焉是也。幸先生早為措劑。予即  
照本方發四帖。服訖。瘳。衆寬其半。繼以人參消

原缺

一錢連進三帖。嘔惡止。胸膈寬熱仍未退。汗瀉未止也。時有問予者。謂胡不用紫苓湯而退熱止瀉也。服石膏散益瀉耳。予戲之曰。子適二脚指不能認。誤為何藥。而用紫苓湯也。仍以胡二錢。名止錢者。是也。知母各五錢為臣。黃芩甘草各一錢為佐。生姜五片。速進二帖。汗則津津。熱出。熱退瀉止。口不渴而眠矣。予因它往。留藥三劑。而囑之曰。胃氣初回。勢必思食。宜謹慎不可多進。若多則餘熱復作。必成食復。治

將費手也。慎之慎之。後五日。果以食不慎而復  
病。予又至。熱較前為重。且加懊懣。夜譫語。如見  
鬼狀。口大渴。甚燥。舌焦黑。有芒刺。勢危甚急。以  
前方加枳實。施子各三錢。減豆豉二錢。煎飲之。  
二貼。復發。其餘症猶然。後更甚。前方減去豆豉。  
黃連。麥冬。生地。白芍。一日二貼。舌以井水。生  
姜。擦去黑胎。用蜜調玄明粉塗之。而胎去矣。服  
三日。始得微汗。諸症盡減。再四叮囑。慎飲食。調  
理半月。而愈。後人始皆認此症為漏底。

傷寒謂叔不用柴苓湯退熱止瀉而用石膏為  
非。廼竟以石膏收功。何也。予曰。此問甚善。蓋醫  
貴認症。此症廼少陽陽明合病也。柴胡白虎湯  
為二經對症之藥。服之可解肌熱止口渴。  
若柴苓湯為太陽少陽合病之劑。內有五苓散  
廼太陽經之裏藥。症非太陽。冒敢用之。且其內  
有人參白朮肉桂皆助熱發燥之味。誤投則必  
發斑。其齒燥舌乾而焦黑。又何敢用茯苓澤瀉  
豬苓利之。使益亡其津液耶。古人謂以傷寒為

大病不察症而誤投則生死立見傷寒論有言  
不得汗不得下不得利小便是謂三禁故曰少  
陽陽明不從標本從手中治小柴胡白虎湯中  
治劑也人徒見其大便作瀉為瀉底不察瀉皆  
清水無糟粕者為熱極所致症廼春溫時疫也  
但為發散使清氣上升而微有汗瀉當自止此  
瀉豈五苓散所能止哉止則悞事岐原曰夜重  
如見鬼者何以故予曰熱入血室故也岐原曰  
男子亦有血室乎予曰血室男婦同之衛任二



脈為血之海。二脈附於陽明。今病廼陽明之熱。遺入血海也。故加生地白芍而効。余治傷寒。用柴葛解肌湯及柴胡白虎湯。而熱不解者。加此二味。則熱無不退。汗無不出矣。且下午與夜又陰分主事。欲解血海之熱。必投此二味。以收其功。此亦予一得之愚也。岐原曰。善。願記之以詔後來。八十七

鍾澤有程慶奎孺人者。年將五十。僅一子。念一歲而歿於痘。旦夕哭之。哀且彌月。攬鏡自鑑曰。何

子死而形色不瘁如此。因持鉄如意鉋其胸。絕粒斷漿。肌容日瘁。時為初秋。寒熱交作。嘔噦懊懷。遍身疼。夫為過延。診視却藥不飲。諸醫百笑。開譬拒而不聽。媳與孫跪而懇。姻族就而諭。其不約者。一用也。惟合睫以待死。已而作色語其夫曰。疔之。汝曷不延名醫一決生死乎。夫曰。所延皆名士。病者曰。昔常聞程方塘參軍患瘋三年而起者。誰曰孫君。又問吳西源孺人病燥揭痰喘三年。與程道吾內眷勞瘵暈厥。誰為

起之。夫答如前。病者曰。何不請孫君決我生死。夫聞言。物色微予。五日而後至。則薄暮矣。病者猶疑為誕也。私至三家訪予狀。皆曰。魁然長髯者也。朝覲面盼之。畢則問曰。何日死。予應曰。病勢危矣。死不遠。病者喟然嘆曰。死不足惜。第九華山香愿未了。為恨耳。予曰。孺人大愿不思。何須以此小愿為孜孜也。孺人曰。無大愿。予曰。人之脩短有數。今年之痘死者不可勝計。令嗣之死亦數也。然有二孫可承宗祧。孺人能忍哀。

撫孫使其成立娶婦以蕃後胤令嗣雖死猶不死也而孺人亦有令名若不此之思憂傷以殞夫君必娶娶必少年繼室生子則必厚其子而薄孺人孫晚娘晚爺之誣獨不聞之耶孺人萬金之家使令孫不得其所令嗣九泉之下恐不能無憾孺人憂死何益也愿孰大於此者乎故謂未之思耳孺人試思之誰輕誰重當自辨也語畢憮然曰先生言至此吾如寐者得醒矣顧病勢去死不遠何能得如吾愿予曰所謂近

病也。非脉也。脉左絃細。右關滑。故發熱體痛。  
嘔噦。延秋來瘡。症非死脉也。若如前執拗不服  
藥。不進飲食。書謂絕穀者亡。殆非虛語。孺人誠  
聽予言。以二孫為念。以大體為重。予以活血養  
血之劑。而治其傷損。以小柴胡加竹茹滑石。以  
和陰陽而止其嘔噦。不一月而可無恙矣。奚憂  
哉。果從予言而進食服藥。調理五日。寒熱嘔噦  
皆止。後以丹參劉寄奴各三錢為臣。五加皮五  
錢為君。香附一錢為佐。入四物煎服。果一月而

全可矣。程孺人病起而聞者皆曰：七發起太子之病，觀於孫君益信。六十八

歙潛口汪召南令郎年十四，患蠱脹大如覆箕。經醫三十餘人，見症皆駭而走。獨市之幼科汪養直者調。

夢見見効。第此子溺於養養，縱口腹。

不食。忘病多反復。一日語召南曰：「即君之症。」

非之。孫生生者不能成功。召南曰：「聞此公多游江浙縉紳間，何可以明日致也？」養直歸，舁吾子妹適羅田，為方與石丘嫂也。舊歲患症如

蠱治經彌歲無功。生生子立全之。吾推轂孫君者。豈有他腸。為郎君也。召南即浼羅田延予。予至日已晡矣。觀病者腹脹大極。青筋縷縷如蚯蚓大。上自胸脯至上腕而止。惟喜其不下現也。臍平。四肢面目皆浮大。兩足胫骨上各裂開。大出清水。一日間數為更衣。易被陰囊光腫如泡。淫淫滲濕。發寒熱。脉以手腫不能取。必推開其腫。下指重按。浮而六至。予曰。症可謂重之極矣。僅可恃者。目瞳子有神耳。餘皆陰惡。將何以治。

養直知予至。亟過相陪。宣言曰。病重不必言。引  
領先生久矣。幸為投劑。生死無憾。予曰。且先為  
理表。若表徹。稍得微汗。使肺氣少利。則小水可  
通。召南喜而亟請藥。廼用紫蘂葉蘂子陳皮麻  
黃各一錢。桑白皮八分。防風杏仁各七分。炙其  
草桂枝各三分。生姜三片。水煎服之。五更廼有  
微汗。次早面上氣稍消。胸脯青筋皆退。餘症雖  
仍舊。机括則可生矣。仍投前藥。次日腹與四肢  
皆有縐紋。惟小水未利。廼改用破故紙菟朮赤



澤瀉桑白皮赤小豆桂心木香二帖。而小  
水利。駸駸已有生意。廼以飲食過度。大便作瀉。  
又以四君子湯加以仁破。故紙。澤瀉。山查。砂仁。  
調理而全安。此症予閱歷者不下數十。然青筋  
未有如此之粗。足脰出水有之。未有出水處如  
鮎魚口之大。而取効亦未有如此之速。蓋此子  
體未破而真全。故症雖重而收功速也。數十人  
間有五六不能成功者。由其縱慾恣情。不守禁  
忌。非藥之罪也。召南昆仲見人談醫。輒以不佞

為稱首。予笑曰。君得無到處逢人說項斯者耶。  
廼汪養直亦醫治中白眉。廼不收功於後病者。  
不忌口過耳。於養直何尤。養直不矜已之功。亦  
不恃人之功。所謂忠厚長者非耶。

石鎮鄭景南。夫病卧年餘。百治不効。昔體豐腴。今  
瘦骨立。飲食少進。新都名士皆辭不治。其家聞  
昔年方士榮孺人蠱症時。師亦皆辭去。予為起  
之。因徵予治時。則六月望也。診其脉。左絃大。右  
關滑大。兩尺俱無。其脈之變。劇狀如仰。至陽鳴。

如雷。晝夜不住。小水不利。肌膚及眼珠色若黃  
金。腹中有塊如櫟。動跳不止。足膝以下皆冷。飲  
食不入。予詳思其病機。背肥而今瘦者。痰也。形  
雖瘦而目炯炯有神。先以五飲湯姑試之。以觀  
其勢。再為加減。因用旋覆苓八分。破故紙一錢。  
肉桂三分。白朮茯苓澤瀉陳皮半夏各八分。生  
姜三片。水煎服之。二帖。惡心腸鳴皆止。次早飲  
食稍進。舉家欣忻。色喜。令岳程鍾山公於予為  
石交。聞病有却意。心殊異之。不知為予。因而過。

訪見予。拊掌大呌稱快曰。吾固知是公也。指其甥而語之。此即所嘗與尔曹言者。聞久為西吳縉紳返番。不意今歸。誠吾婿之幸也。相與談對兩日而別。別之時。景南飲食稍加。小水利。肌膚面目黃氣退漸。引生機。不虞逾半月為拂意事。所激而怒。復中痰。不思飲食。家人驚惶無措。亟請予診。兩寸滑大。左關絃勁搏指。右關亦滑大有力。兩尺沉微。予語之曰。病甚重。脉非前比。且不敢以萬全許。第盡吾心爾。病以藥力而回。君

之福也。時為七月之朔。予因噤視七日。日進一劑。劑以人參、陳皮、半夏、茯苓、旋覆、蒼麥、芽、甘草與服。服三日。惡心止。大便有稠痰下。其中間有瘀血。此皆大怒所致。故經云：怒則傷肝。甚則嘔血。并下洩。吐亦或有紅點。予在痰中吐出。是其徵也。後改用六君子湯。加牙黃、連、枇杷葉、白扁豆調理。勢駸駸向安。服中如櫟之塊亦漸消去。大澤如指耳。肌肉亦生。能下榻舉足以步。市上之人稱奇。

九

後聞  
錯月

服藥  
藥  
敗  
燭  
藥  
卒  
莫  
能  
收  
以  
而  
終  
試